

六行十七字皆作唐刻唐印真本 古經行字年代最重參攷

隋開皇十三年
起至大業六年
及貞觀十年
止

隨唐高僧傳

經本古刻之一

十三頁首尾完全唐初刻板與宋本同校即得

隨園隨筆 卷三云 刻板書不始於馮道致陸深河汾
燕間錄云 隋開皇十三年十二月八日 上勅佛經
雕板行世 是刻板書隋時已早有之

釋道岳姓孟氏河南洛陽人也家世儒學專
門守業九歲讀詩易孝經聰敏強識卓異倫
伍父暁仕隋為臨淄令治聲遠肅有隱士西
門義者博物踈通肥遁巖谷前後令召莫能
致之至是步自出阿來儀府舍謂鈴下吏曰
西門義故遽為吾白即以事聞令素仰高風
駭其萃止延席曰先生道扇三古德重四民
何能輕舉義曰吾自弱歲隱淪于茲暮齒誠
不欲干遊人世抱誠棄智頃者吠聲既靜則
良政寧民五袴興謠兩岐成詠有欣美化故
不以韜隱自私敢叙斯事令述其不逮問其
治術對荅若神情兼明舉乃命諸子紹續績

曠岳略等列於義前。今其顧指義曰：府君六子誠偉器也。自長而三州縣之職，保家自若也。已下之三，其志遠，其德高，業心神道求解言外，固非世局之所常談也。曠年十七，遂得出家，操行貞固，志懷明約，善大論，及僧祇深鏡，空有學徒百數，禪觀著績，物務所高。即洛陽淨土寺明曠法師是也。岳十五出家，依僧粲法師爲弟子，少樂學問，經論是欣，及具篇禁，更宗律部，拍途持犯，性不議非，而體貞魁美，風操高厲，容止儼然，不妄交於道俗。後習成論，雜心於志，念智通二師，備窮根葉，辯義斯盡。有九江道居者，創弘攝論，海內知名，以

開皇十年至自揚都來化京輦親承真諦業
寄傳芳岳因從受法日登深解以衆聚事擁
惟其廢習將欲栖形太白服業倫貫時太白
寺慧安者倜儻多知世數闊達方丈一字方
寸千文醫術有工經道偏練日行四百相同
夸父世俗所謂長足安是也岳友而親之便
往投造告所懷曰毗曇成實學知非好攝大
乘論誠乃精微而傳自尼公聽受又甚今從
物化請益無從中路徘徊伊何取適若天親
菩薩作俱舍論真諦譯之初傳此土情寄於
此耳安曰願聞其志岳曰余前學群部悉是
古德所傳流味廣周末盡於後唯以俱舍無

解遂豈結於當來耶安曰志之不奪斯業成
矣後住京師明覺寺閉門靜故尋檢論文日
讀其詞仍洞其義一習五載不出住房唯除
食息初無閑暇遂得釋然開發了通融旨至
於外義伏文非疏莫了承三藏本義並錄在
南思見其言載勞夢寐乃重賂遺南道商旅
既憑顧是重所在追求果於廣州顯明寺得
俱舍疏本并十八部論記並是愷師筆迹親
承真諦口傳顯明即凱公所住寺也得此疏
本欣載御懷諷讀沉思忘於寢食乃重就太
白卒其先志於即慶弔絕緒尋繹追功口腹
之累惟安供給時穀食不豐菜色相顧安庶

事經勞始無匱乏。綿歷歲序。厥志弥隆。內慙諸已。乃謝安曰。岳今至。愚爲累。獨學成。譏輒不量力。欲希非分。一不可也。食爲民本。名作實賓。苟求虛譽。遂勞同志。二不可也。斯過弘矣。誠可退迹。沉浮更勞。重累則不可也。安曰。功業將成。幸無異志。嘉會難再。無思別慮。復延兩載。方始出山。乃以已所尋知。將開慧業。遊諸講肆。清論莫窮。大業八年。被召住大禪定道場。今所謂大揔持寺是也。時年四十有四。少齒登器。莫匪先之。此時僧衆三百餘人。令德風規。互相推謝。岳以後至。名重學不從。師雖欲播揚。未之有許。時有同德沙門法常。

智首僧辯慧明等並名稱普聞衆所知識相
為引重創為請主岳撫謙藏器退辭師授徒
累清言終慙踈略慧明等越席揚言曰法師
何辭耶吾等情均水乳義結相成掩德移機
恐爽靈鑒又入世飄寄時不再來幸不相累
岳顧諸意正乃首登焉遂以三藏本疏判通

名先學後進潛心異論皆曰斯文詞旨宏
密學爽師資縱達一朝誠自誣耳當伺其談
叙得喪斯及矣岳自顧情王虛宗初無怯憚
舉綱頓網大義斯通雖諍論鋒臨而響應隨
遣衆咸不識其戶牖故無理頓聯辭由是名
振學宗法筵繼席歲舉賢良推師有寄武德

初年從業藍谷化感寺側巖垂乳水岳往承
之可得二升懸滴便絕乃曰吾無感也故使
輟流遂以殘水寫滴下澄中一心念誦日取
一升經六十日患瘵方復又至二年以三藏
本疏文句繁多學人研究難用詳覽遂以真
繕為本餘則錯綜成篇十有餘年方勒成部
合二十二卷流於本跡三分之一並使周結
文旨字去意留兼著十八部論疏通行於世
以為口實又初革鄭國有宗法師者神辯英
出時所異之皇上延入內宮立三宗義岳問
以八正通啓聖賢後責纔施無言以對坐見
其屈乃告曰京室學市談衍寔希三宗之大

於何自指及高祖之世欲使李道東移被于
烏服度人授法盛演老宗會貞觀中廣延兩
教時黃巾劉進喜創開老子通諸論道岳乃
問以道生一二徵據前後遂杜嘿焉岳曰先
至高視前彥豈謂目擊耳通乎坐衆大笑而
退故岳之深解法相傳譽京國矣至六年火
八月岳兄曠公從化悲痛纏懷徒屬慰曰八
皆有死唯自裁抑岳捫淚曰同居火宅共溺
愛流生死未斷何得不悲聞者義之以爲善
居道俗之間也貞觀初年有梵僧波頗在京
傳譯岳爲衆舉預其同列頗聞善於俱舍未
始重之謂人曰此論本國學者之英華乃情

不敢措意。今言善者，不有謬耶？因問以大義，
并諸異論。岳隨其慧，解應荅如流。頗曰：「智慧
人，智慧人，不言此慧，吾與尔矣。」自尔，情敦道
術，厚密加恒。八年秋，皇太子召諸碩德，集弘
文館，殿講義。岳廣開衢術，延對諸賓，酬接覆
知，如旨。標被太子，顧曰：「何處法？」若此之端。

也。左庶子杜正倫曰：「大摠持寺，道岳法良也。
法門軌躅，學觀所宗。太子曰：「皇帝為寡人造
寺，廣召名德，而此上人猶非受請，何耶？」倫曰：
「虞舜存許由之節，夏禹順伯成之志，彼乃俗
流，猶從矯逸。况方外之士，棄名之人，臣輒從
其所好耳。」乃下令曰：「今可屈知寺任，允副虛。」

襟岳動容。辭曰：皇帝深惟固本，歸誠種覺，所以考茲福地，建此仁祠。廣召無諍之僧，用樹無壇之業。貧道識量未弘，德行無紀。今蒙知寺任誠，所不安願。垂舍恕，敢違恩旨。屢辭不免。遂住普光。以貞觀十年春二月，遘疾。弥留諸治無効。春坊中使相望於路，遂卒于寺。春秋六十有九。皇太子令曰：普光寺上座喪事所資，取給家令。庶使豐厚，無致遺約。仍贈帛。及時服法衣等。俄而有勅，復官。給葬儀。送於郊南杜城之西隅。岳弟明略，身長七尺三寸十九。出家志懷遠悟，容儀清肅。特善涅槃學。人從集，有聲京洛。住東洛天宮寺。貞觀九

年入朝奉慰時四海令達摠集帝京唯岳及
略連枝比曜時共美之及事緣將了言歸東
夏岳惘然曰吾同氣四人並先即世唯余與
尔相顧猶影自曠師沒後心常怏怏恐藤鼠
交侵欬然長逝異生難會可不思耶吾將耄
矣其能久乎集會又難尔其且止因斯便住
怡至明春岳便辭出略之後痲痛鍾纏結帶
疾還寺以十二年卒于所住春秋六十七矣
釋功迴姓邊汴州浚儀人年六歲便思出家
慈親口授觀音累日而度自此專訓法經九
歲而送在寺年十六捨俗服志願山居因入
秦岳苦心忘倦年二十五便事弘法師私自

惟曰拱默山林乃是一途獨善至於導達蒙
瞽維持餘寄非化誘不弘住汴州慧福寺借
在山中十地勝鬘已曾講解及遊城邑人有
知者勸而說之遂因闡揚諸經論等亦備敷
說晚以法華特爲時要便撰疏五卷鎮常弘
演前後五十餘遍每至藥草品天必降雨致

其幽誠徵感爲若此也其例地般若制疏并
講津濟後學聲滿東川又撰無性攝論疏厥
功始成奄然長往於本寺年六十餘聞之行
人曰其人少欲自節衣布坐茅所獲利祿隨
時散盡房無遺篋四壁廓然未終之前異香
靈光至所住室二夜四至自覩嘉相門人同

美迥曰願乘此瑞往生樂土因不食二十日
而終所飲井水終旦泉竭殞經數日水方復
舊道俗悲涼通感若此